

~~C 8275~~

Ud 6386

1871673



Beut. Ud 6386

Q. D. B. V. *Hist. B. 37*
DISPUTATIONIS JURIS PUBLICI
DE
POLONIA

NUNQUAM
TRIBUTARIA,

SECTIO I.

Fundamenta Gen. continens,

QUAM
ANNUENTE DIVINI NUMINIS GRATIA,
IN

INCLYTO GEDANENSIIUM ATHENÆO,

PRÆSIDE

DN. JOHANNES SCHULTZIO,

J. U. D. EJUS ET HISTOR. PROFESS. ORDIN.

NEC NON DICTI ATHENÆI INSPECTORE,

FAUTORE ET PRÆCEPTORE SUO

eô, quô par est, cultu atatem prosequendô,

IN AUDITORIO MAXIMO,

HORIS MATUTINIS

D. XVII. Febr. A. R. S. M. DC. LXXXIX.

Placido Eruditorum Examini submittit publicè

JOHANNES DANIEL SCHLIEFF.

ILLUSTRI,
GENEROSIS, PER-MAGNIFICIS, MAXI-
ME STRENUIS
DOMINIS,
DN. CONSTANTINO
Æ Æ R B Æ R /

S. R. M. Polon. h. t. Burggrafio & Inclytæ Gedan.
Reip. PræConsuli; nec non Supremo Venationum
per Neringiam Regiarum Præfecto,
Hæreditario in Goschin & Chudomin.

DN. CONSTANTINO
P A S E /

Ejusdem Reipubl. PræConsuli & h. t.
PRÆSIDI Gravissimo.

Plurimis in Patriam meritis in-
signiter conspicuis

DOMINIS, PATRONIS, MÆCENATIBUS,

*Illi Susceptori ex sacro fonte, Huic Avunculo, aternâ ob-
strictissimæ animi observantiæ colendis, suspiciendis*

Has Studiorum Primitias, ceu levidense perennaturi Obsequii
Tributum, quod, licet longè infra Splendorem tantorum
Nominum subsidat, Pondus tamen à benignâ admisione
Vestrâ fœneratur, cum ardentissimò omnigenæ Prospe-
ritatis Votò humillimè

D. D. D.

JOANNES DANIEL SCHLIEFF.



CONSPECTUS

DE

GENUINO SENSU REGIONUM TRIBUTARIARUM.

- §. (1.) De præjudiciis terminorum.
§. (2.) Metus tamen Præjudicii tunc cessat, si terminis suspe-
ctis utamur, in defectu meliorum.
§. (3.) Applicatio ad terminos subjectionem denotantes, & in
specie, Tributi terminum.
(4.) Qui etiam naturâ & origine suâ nullam subjectionem de-
notat.
(5.) Hinc à re petenda decisio, cum termini fallant & in
specie Tributi terminus.
(6.) Tributi significatio dividitur in propriam & impro-
priam.
(7.) Quando propria intelligenda? Resp. Ex causis, quarum
tres numerantur, & triplicem faciunt Regionum Tribu-
tariarum speciem.
(8.) Prima est ex Pacto generali Societatis, se imperio Magi-
stratus subjicientis, ob varios fines.
(9.) Nisi Populus sibi auctoritatem tributi exigendi servet.
(10.) Altera tributi exigendi causa in jure armorum & victo-
riæ ponitur, & quidem ob varios fines. (1.) in premi-
um

A

Ex
Biblioth. Regia
Berolinens.

um remissi rigoris bellici; vel (2.) in pœnam violati juris antiqui; vel (3.) ad bellicorum sumptuum restitutionem; vel (4.) in acquisiti juris signum; id quod colligitur, (5.) ex usu moneta: vel (6.) in securitatem victoris & victi.

- (11.) An de jure omnes hi exigendi tributi fines subjectionem semper denotent.
- (12.) Tertia species oritur ex pacto speciali, quæ in proprio sensu intelligenda, si mentio subeundæ subjectionis fiat.
- (13.) Quid si verò ejus nulla mentio? Resp. neg.
- (14.) An ex aliis causis promenda, ut munerum præstatione? Resp. neg.
- (15.) Quid si stipulatio accesserit? Resp. neg.
- (16.) Quid si stipulationem præcesserit obligatio? Resp. nec tunc; an propter patrocinium præstitum? Resp. neg. Distinguitur hoc à deditione.
- (17.) An ad avertendam potentium injuriam? Resp. neg.
- (18.) An Titulus remuneratorius, propter collationem Regiæ dignitatis? Neg.
- (19.) An concessio juris ad occupandas terras vacuas? Resp. neg.
- (20.) An remissio peccatorum?
- (21.) Quomodo & re & nomine consuli debeat securitati suæ?
- (22.) Recensentur effectus quidam & signa Regnorum Tributarium in proprio sensu.
- (23.) Cur inter Christianos rariora dentur Regna tributaria?

SECTIO

Q. D. B. V.

SECTIO I.

Generalia continens de Genuino sensu Regionum Tributiarum.

§. 1.

Rectè quidem Augustinus contra Academicos, turpe, inquit, *disputationibus, in verborum questionibus, immorari, cum certamen nullum de rebus remanserit.* Ast ubi rerum decisio à vocum significatione peti videtur, non inutilis tunc illi impenditur cura. Sæpè enim, ob culpam negligentium, vel non advertentium rebus, vel actionibus imponuntur termini, qui postea vitiò perpetuò laborant & auctoribus præjudicia gignunt. Id certè Achabii Exemplò constat, quem, in sui præjudicium, bis in convenienti terminorum expressione peccasse legimus *III. Reg. c. 20. v. 4. Tuus ego sum*, inquit ille ad Regem Benhadad, & omnia mea, hæc verba ita intelligens: *Do me meaq; in Tuam Fidem*: Benhadad autem de rerum proprietate intelligebat: item v. 32. ubi devictum hostem fratrem appellat, vitam ita vi vocis, contra DEI jussionem, illi largiens. Ad quem textum non injustè Grot. in N. B. p. m. 201. *Fortuna quidem communis Reges Regibus commendat, sed cavendum, ne id fiat cum malo publico.* Commendatur itaque Punctualitas Hispanorum hæc in re, qui, ne quid præjudicii ipsis paretur, in selectu verborum curiosos se exhibent. Ita Præfectus Arcis Ultrajectinæ hanc Belgis non dedere, sed consignare voluit.

§. 2. *Obtinet* verò hic metus præjudicii, si copia meliorum terminorum adsit. Ast in defectu illorum, quod sæpè evenit, cum, ob copiam rerum, istas non propriis appellationibus notaverit antiquitas, sed alienis commodatisq. (adverte id prohè Senecà L. 2. de beneficiis c. 34.) aliter sentiendum erit. Occurrunt enim sæpè voces, quæ vitium involvunt, dum in ipsâ Materiâ nihil minus quid quàm vitium lateat. Grot. de J. B. & P. L. 1. c. 1. thes. 10. n. 6. Tales sunt Termini *Simulandi*, *Doli boni*, *piæ fraudis*, *simplicitatis*, *furti*, *homicidii*, quibus utimur, quia speciali vocabulò ad exprimendum id, quod simulandi, doli boni, &c. nomine appellamus, destituimur. In Sacris *Simulationem Sinceritatis in vitâ & fide hypocrisim* appellari notum est, illamque etiam Ethnicis execrabilem fuisse memorat Cicero de Officiis 3. *Ex omni vitâ*, inquit, *simulationem dissimulationemq. tollendam &c.* Ast eòdem terminò gaudet & Sacer Textus in historiâ Christi *simulantis* abitum, ~~περοποιετο~~ ire longius Luc. 24. vers. 28. Et in rebus humanis necessaria rationis status commendatur regula: *Viro Politico aliquando simulandum esse*. Licet, inquit Augustinus, *veritatem occultare prudenter sub aliquâ dissimulatione*. Conf. idem in Psalm. 4. 5. & ex Jure Canon. v. Caus. 22. q. 2. can. 14. h. e. licet propositi nostri partem talem prodere, ex quâ alter aliud colligat, quam re verâ totò nostrò proposito continetur. Dn. Becmann. Med. Polit. cap. 3. th. 3. *Dolus* communiter vi vocis calliditatem & machinationem ad fallendum & decipiendum alterum adhibitam denotat, l. 7. §. 7. ff. de Pact. ast Ulpianò Judice *dolum bonum* in jure admitti posse docet L. 1. §. 3. ff. de dolo malo. Eadem est ratio *Fraudis*, ex quâ neminem sibi acquirere posse utilitatem docet Jctus in l. 6. §. ult. ff. Mandati. Conf. Mev. P. 3. dec. 124. n. 6. cum tamen Mora-

Moralistæ communiter omnes in Constantinò Magnò Imperatore & Alphonsò 1. Rege Portugalliæ, id sub terminò piæ fraudis laudent, cum prætextu visionum cælestium exercitum suum in victoriam animarent. Dn. Becm. Lin. Doctr. Moral. c. 13. th. 5. *Odiosa mendacii Expressio in bonò sensu sæpè admittitur, ut canit Poëta:*

*Quod pro Salute dicitur mendacium,
Me judice, habere nil potest incommodi*

Simplicitas, quæ in moralibus animi infirmitatem denotat, aliò sensu in sacris, ut virtus nobis commendatur Matth. 10. v. 16. Ita Gregor. Moral. c. 27. v. 6. *Sed hæc justorum Simplicitas deridetur, quia ab hujus mundi sapientibus Puritas virtutis Fatuitas appellatur.* Ita terminis, *Furti*, in casu ablatorum ab Israelitis vasorum ægyptiacorum, *homicidii* ab Abrahamo ad immolationem Isaaci à D E O præcepti utimur, in defectu meliorum ad exprimendas actiones, vel res bonas. Grotius L. 1. c. 1. thes. 10. n. 6. & L. 3. c. 1. thes. 7. ad 14. *Circumventionis terminus in voce vitium involvit, non in re, cum in jure circumvenire aliquem liceat h. e. invigilare commodis suis, etiam si alter per negligentiam aut culpam damnum patiatur.* Jura enim vigilantibus sunt scripta; id quod jura ita extendunt, ut Majores infra læsionem dimidiæ l. 2. C. de Resc. vendit. minores in læsione minima pretii circumveniri possint l. 16. §. 4. ff. de Minor. 25. annis modò tamen in circumveniente animus dolosus & mendax non adsit. Carpz. P. 3. dec. 222. n. 9. Conf. Pinellus ad d. L. 2. C. de R. V.

§. 3. *Tam exigua verbis est præstanda Fides.* Ità multi quoque termini sunt, qui *naturam subjectionis* exprimunt, ab hac tamen ex intentione proferentium procul alieni. *Servus & mancipium* vi vocis *subjectionem* denotat.

Ast Prusias Rex Bithyniæ, tametsi æquo, foedere cum Romanis societatem contraxisset, se *mancipium* tamen Senatus appellavit. *Bodin. L. 1. c. 10.* Nec ignotæ sunt ceremoniæ, *manus pedesq. in signum subjectionis deosculandi*, quibus tamen, sine præjudiciò Carolum V. erga Pontificem usum fuisse constat, & creberrima ipsi fuit in literis subscriptio. *Ego pedes manusq. Sanctitatis vestra deosculor. Aut. cit. L. 1. de Republ. c. 9.* Erant hæc signa non subjectionis plena, sed venerationis; Licet fatendum sit, Pontifices Romanos, in Cereemoniali Romanò, hunc modum in Processu coronationis Imperatorum præscripsisse, tanquam necessarium. Ut scilicet Pontifex excipiens Imperatricem, ad Osculum pedis & manus, Imperatorem verò ad osculum pedis, manus & oris, reliquos Proceres & Prælatos tantum ad osculum pedis admittat. *Goldastus Tom. I. Const. Imper. f. 414.* Cui præscripto cum etiam obtemperasset Franciscus Valeſius Pauli III. in Cathedra sedentis pedem deosculatus, recusarunt id, tanquam signum subjectionis, facere Christophorus Wirtembergicus, Gvilielmus Comes Fürstenbergensis, Daniæ Regis Legatus, licet eos monuisset Conestabilis. *Sleidanus de Statu Relig. L. 12.* Imò nec, ex hypothesi Catholico-Romanâ, hæc ceremonia subjectionem denotat, cum per osculum hoc pedum, non Pontifici, sed cruci, quæ crepidæ intexta est, hic honor exhibeatur. Quâ de re quid sentiant quidam Catholico-Romani, testis est Fauchet apud *Molin. in Hyperaspist. Libr. 1. capit. 26.* Huc quoque trahenda communis formula, quâ nos, in omnibus fere lingvis *servos alterius* appellamus, non in notam oblatæ servitutis, sed usus officiorum, quem in defectu meliorum terminorum, suspensio servitutis insignimus terminò. *Conf. diff. de Civil. Proſcua C. 1. th. II.* Eòdem sensu accipienda est Pontificum M. humilitas, dum se *servos servorum*

rum in Instrumentis publicis appellare consueverunt, ad imitationem fortè Pauli dicentis 1. *Corinth. 9. v. 19. Cum liber essem ex omnibus, omnium me servum feci, ut omnes lucrifacerem*, cum tamen nullam sua potestatem agnoscant majorem Pontifices, quorsum non inelegans distichon spectabit apud Uſſer de Christi Eccles. Success. & Stat.

Servierant Tibi Roma diu Domini Dominorum,

Servorum servi sunt Tibi nunc Domini.

Tale quid de Termino Tributi sentiendum, dum Tributariam Poloniam ab ipsis Patriæ Scriptoribus appellatam fuisse certum sit, quia speciali & genuino nomine ad exprimenda donativa annua destituebantur. Qua de re in futurum pluribus.

§. 4. Imò si accuratiùs ad ipsam Termini naturam & originem advertamus, nihil præjudicii inde deduci poterit. Tributi enim nomen omne id initio denotabat, quod liberè conferebatur à Romanis domi manentibus, ut eò meliùs moles bellorum, & qui militiam sequebantur, sustineri potuerint. *Gæddens de V. S. ad L. 27. ff. de V. S.* Origine igitur voluntatis nec subjectionis nota erat: hinc ubi id à Romanis per modum Imperii extorqueri tentaretur, Franci Reges odio vocis id à suis exsolvi noluerunt. *Turr. Hist. Franc. L. 7. Cap. 15. & Gener Dn. de Retz in diff. de antiquissimâ Germ. Civit. Pensione vulgò Drède. c. 1. num. 35.* Quod cum in finem allegatum est, ut argumentum à naturâ & origine vocis petitum eludatur.

§. 5. Sed jam ad communem usum (quo voces metiri debemus per *L. 7. ff. de Supel. Legat. & Godofred. ad d. l.*) descendamus, sanè negari nequit, Tributa esse notam subjectionis in illis, qui illa ex titulo subjectionis pendunt, non verò, si ex aliis causis, (de quibus mox agetur)

tur) nullam subjectionem notantibus exsolvatur. Sic enim hōc terminō, ut dictum suprà, utendum, in defectu meliorum. Hinc à repotius petendus est vocis intellectus. Sæpè enim *sine nomine* præstantur onera, quæ tamen naturam Tributorum induunt: quod exemplis uberrimis constat. Ita *Melitenses Equites* Regi Hispaniæ quotannis Falconem mittere solent. *Forjulienses* victi à Venetis coacti sunt quotannis 12. porcos & 12. panes, singulis existentibus 200. librarum, præstare apud *Flavium Blond.* L. 5. Decad. 2. *Genuenses* Alphonso, Hispaniarum Regi, Trullam auream Tributi locō solvissè, narrat *Anton. Panormit.* Sæpè etiam *mollioribus* terminis utuntur Historiarum Scriptores, in exprimendis oneribus, quibus tamen tributariæ Naturæ inhæret labes. Hinc Principes illos seu *ararios*, quod in ærarium alterius Principis certum quid conferant, seu *fiduciarios*, quodd in fide alterius sint, seu nomine Turcicō Timariotes h. e. *beneficiarios*, quodd beneficio alterius se obstrictos profiteantur, dixeris, in effectu tamen omnes illos pro veris tributariis plerumque accipi, docuit jam olim *Bodin. de Republ. L. 1. c. 10. pr.* Ipsum Melitensum tributum beneficii nomine superbit ap. *Gramond. L. 1. Hist. p. 61.* Ita terminis & vocibus contrarii effectus, ex Natura substratæ materiæ, adjudicandi sunt.

§. 6 Clariùs verò res expeditur, ubi duplicem tributi admiserimus significationem, *propriam & impropriam.* *Propria* est, quæ subjectionis notam & recognitionem Superioritatis pro fine agnoscit, quò sensu allegata mox videbimus juris Gentium testimonia. *Impropria* est, quæ quidem communi gaudet nomine, in effectu verò de natura rei nihil participat. Penditur enim illud sæpè ex *aliâ quâcunq; obligatione*: & certum est, non

non omnem obligationem nos inferiores reddere, sed illam demum, *quæ ex Lege fit.* Ità obligatio ex contractu nos obstringit quidem, sed promissori non subicit, quinimò æqualitatem desiderat. *L. consensu 2. §. ult. ff. de O. & A. Grotius de J. B. & P. L. 2. Capit. 12. thes. 8.* Dicenda igitur erunt regna illa tributaria, quæ in subjectionis signum & recognitionem superioritatis tributa pendunt. Reliqua nec pœnam nominis merentur.

§. 7. Cùm verò non tantum *expresè*, sed & *tacitè* per negligentiam, aut vigilantiam adversarum inter se partium acquiri jura & amitti soleant, ad Naturam negotii vel causam attendi solet, quæ præsumptionem juris introducat, quandonam præstationes onerum subjectionis veræ signa sint. Et hujus quæstionis Decisionem faciliorem reddet divisio illa, quæ onera seu tributa, ex triplici causa, (1) *Ex pacto generali.* (2) *Ex jure Victoris & armorum.* (3) *Ex pacto speciali* præstanda, in totidem species distingvimus.

§. 8. Ac primò quidem indubium est, subditos, qui ex *pacto generali* Societati se suæque submiserunt, Tributa summis potestatibus pendere, pp. var. fin. (1) *in sui conservationem*: Neque enim quies gentium sine armis, neque arma sine stipendiis, neque stipendia sine tributis haberi queunt. *Tacitus Lib. 4. Historiar. cap. 74. num. 2. & annal. Lib. 13. c. 50. num. 1.* Ità etiam de hac sublevatione onerum in salutem Reipubl. convertendâ. Imperator in *Nov. 149. c. 2.* Impossibile est, *inquit*, sacris tributis non illatis alioqui Resp. conservetur. (2) *In recognitionem superioris*, qua Subditus ità gratum erga Rempubl. animum suum pro labore positò declarat *Dn. Becmann. Medit. Polit. c. 20. th. 3. & PP. c. 20, th. 1.* Quorsum ista Servatoris

B tendit

tendit sententia: *reddite Cæsari, quæ sunt Cæsaris. Mat. 22. (3)* In præmunimentum fidelitatis. Non enim insolitum esse solet Principibus, fatigare tributis libidinem subditorum, ne viribus suis fulti imperium, quò leniter ducuntur, excuterent: quam Clotarii III. Regis Galliæ rationem fuisse testantur Scriptores, dum ille subditos suos idèò tributis exhaustisse fertur, ne animum extollerent ob pingvis soli sui ubertatem. Idem de Matthia, Hungariæ Rege, refert *Bansin. R. H. Dec. IV. Lib. 3.* Quanquam rari sint Principum ex immodicis exactionibus successus. Sæpè enim læsa subditorum patientia in furorem convertitur: cuius rei exempla temporibus Rehoboami III. Reg. 12. Initiò Principatus Tiberii. *Grot. N. B. ad d. 1. Philippi II. Regis Hispaniarum tributo §. partis mercium Portugalliam prementis. Gedeon Pontier d. Cabinet des Grands T. 2. ch. 2.* (idem in Gallia A. 1675. accidisse refert A. Bern. *Eur. P. 7. f. 774.*) aliorumq; Principū conspicua sunt. Imò nec unquam constantes istis Principibus divitias fuisse, docet *Dn. Becmann. P. P. c. 20. th. 2.* (4) In signum absoluti Dominii, quod tamen in Regnis merè Patrimonialibus tantum obtinere certum est, in quibus indictio quæcunque tributorum permessa, cum Regiones istæ veræ servitutis speciem constituent, quod vel Ægypti testimonio perspicuum est. *Genes. 47.* Et de hac primâ Tributi specie indubium est, illam propriæ & sine Exceptione veræ subjectionis naturam exprimere.

§. 9. Quod tamen eò cum temperamentò dictum esto, nisi Populus summæ alicui Potestati se submittens, tributum exigendi auctoritatem sibi servet. Ità enim antiquæ libertatis jura remanent. Manet honor & antiquæ Societatis insigne: Nam nec Tributis (coactis scil.) contemnuntur, nec publicanus atterit. Confer. *Tacitus de German. quorund. moribus*

bus L. 20. c. 2. Imitantur hanc Libertatis speciem Angli, qui belli quidem indicendi potestatem Regibus concedunt, tributum vero exigendi facultatè à Parlamentò dependere volunt. *D. Becm. Hist. C. c. 4. §. 20.* Idem in Imperiò Romanò observari docet *Burgoldensis P. 3. Disc. 2. §. 11. arg. §. gaudeant. art. 8. in- strum. P. n. 5.* Et hoc sensu tributa non absolutam subjectionem, sed voluntariam oneris communi bono applicandi indigebunt concessionem. Id quod rectè perpensis videtur Henricus Imperator, qui, in simili casu, onera sponte præstita benigne ita interpretatus est. Quod, si propter lenitatem, inquit, & mansuetudinem Comitis sui, etiam Comiti honoris & obsequii gratià quippiam de rebus suis exhibuerunt, non hoc eis pro tributò aut censu computetur, aut Comes ille vel Successores in Consuetudinem præsumant. *Conf. Christ. Lehm. in Chron. Spir. L. 2. c. 17.*

§. 10. Altera species Tributi jure armorum & Victoria à devictis exigitur vel (1) In premium remisæ rigoris bellici & vitæ ex misericordiâ donatæ. Hinc servitus h. e. perpetua operarum in se & natis ex se obligatio utilitati Dominorum cessit. Quod quidem, ut in singulis Personis, ita & in totâ Societate obtinere non tantum Divini præcepti esse. *Deut. 20. v. 11. & servient tibi sub tributò,* verum etiam factò ipsò id comprobasse Israëlitas legimus: Et Salamon, inquit Sacer Textus, fecit tributarios eos, qui remanserant superstites è gladio Israël. *3. Reg. 9. v. 15. Conferat. 2. Paralipom. 8. vers. 7.* & hæc est servitus perfecta *l. 239. §. 1. ff. de Verb. Signific. Fagundes. de Justit. contr. Libr. 2. cap. 1. numer. 3.* ab omnibus ita gentibus recepta, ita ut servorum appellatio à servando sit. *§. 3. Instit. de Jure Personar. Grot. de J. B. & P. L. 2. c. 5.* (2) In pœnam violati juris antiqui, dum Populus

se legitimo summæ Potestatis imperio subducens, aut promissa eludens gravioribus mulctatur tributis, quæ tunc servitutis exhibebunt imaginem. Quo spectat Politicorum monitum observatu necessarium: *Multos dum Tributum fumerint, in Servitutis ignem se precipitasse. Joh. Math. de Contr. c. 1. num. 35.* (3) *Ad bellicorum sumptuum Restitutionem.* Non enim jus Principum ex solò belli Principiò spectandum, sed ex causis subnascentibus: Sicut in judiciis post litem contestatam jus sæpè parti novum paritur, præsertim, si Processus fuerit injustus: per l. *properandum* 13. §. 6. C. de judiciis & L. 25. ff. de edilit. Edict. sic injustè bellantes ipsò factò se obligant ad sumtus & damna refarcienda, quia culpà damnum dant. *Bart. ad L. si quid bello* 28. ff. de capt. lib. Ità Romani, Liviò narrante, impensam, quæ in bellum facta esset, omnem præstare Regi, æquum censebant. Et Prusiam Attalo jusserunt & damnum refarcire & poenam insuper pendere. (4) *In signum acquisiti juris*, præcipue si accedat (5) *Usus monetarum Victoris*, quam probandi rationem in Cæsare, Tributum ex eòdem titulò à Judæis exigente, non improbavit Servator verbis: *cujus est imago ista & inscriptio? Matth. 22. v. 20.* (6) *Ad Securitatem & victoris & victi:* Id quod ita expressit Cicero: *cogitet, inquit ille, Asia, nunquam à se neg. belli externi, neg. discordiarum domesticarum calamitatem absuturam fuisse, si imperiò non teneatur: id autem imperium, cum retineri sine vectigalibus non possit, aquò animò parte aliquà suorum fructuum, pacem sibi sempiternam redimat atq. olim.*

§. 11. Sed jam de jure disquiritur, an omnes in hac tributis specie causa Regionem reddant Tributariam? De primâ quidem & secundâ lis erit nulla, cum ex Jure & Arbi-

Arbitriò Victoris dependeat ita, ut rectè à Tacito inter pœnas servientium referatur. Cavere sibi tamen & hîc solent Victores, ut & victoriâ in servitutis remissione clementer utantur erga eos, quos Libertatis dulcedo innutrivit. *Britanni enim, olim, delictum & tributa & juncta Imperii munera impigrè obibant, si injuriæ abessent, has aequè tolerabant jam domiti, ut parerent, non ut servirent.* Conf. reliqua testimonia in *Grotio L. 3. c. 15. th. 12.* Hinc felicius erat Alexandri M. in Persas regimen, relicta ipsis antiquâ libertate, ita ut Persæ, comis suò more detonsis, in lugubri veste cum conjugibus ac liberis non ut victorem ac modò hostem, sed ut Gentis suæ justissimum Regem, Alexandrum sc. mortuum verò desiderio lugerent. *Curtius L. 10. c. 5.* Idem monitum in simili casu præbet *Machiavellus in Principe suo L. 4. & sequ.* Tertia causa, *sumptuum scil. restitutio, an per modum pœna & subjectionis exigatur, quæritur.* Sanè cum ad pacem venire vix soleat injuriæ confessione, (imbecillitatis enim nota est, propriam confiteri turpitudinem) & in pactis ea sit sumenda interpretatio, quæ partes, quoad belli justitiam, quàm maximè æquat, *Grot. Lib. 3. c. 20. th. 11. & 12. & th. 15.* difficile erit judicium, an hæc sumptuum restitutio veri Tributis nomen mereatur. Sanè si ita bellantes inter se contraxere, (quod in dubiò censetur voluisse, cum injustitiæ confessio vel declaratio sit res odiosa, quæ regulariter non præsumitur) ut neuter injustitiæ damnaretur, tunc si de restitutione sumptuum agatur, eandem concedi certum est, & ad inæqualitatem inter Societates tollendam, & ad deliniendos mortalium inter se animos. Optimi enim Conciliatores sunt, qui iram & offensam memoriâ delent. Et sic hæc restitutio nomine Satisfactionis gau-

debit, terminò omnis præjudicii experte. Exemplum ejus in Belgis Pace Londinenſi Anno 1674. conſpicuum eſt, quâ oportuit ipſos 600. M. imperialium Regi Angliæ ſolvere. Ita pace quoque Weſtphalicâ Germanos oportuit Svedis 5. Milliones auri, & Landgraviæ Haſſiæ 600. M. imperiales ſolvere. Ob eandem cauſam Rex Galliæ Anno 1679. Electori Brandenburgico 3. Tonnas Auri promiſit, Epilcopo v. Moguntino 100000. Imperialium; quis vero crediderit Regem Galliæ ideo ſubjectum ipſis Principibus aut inferioreſ redditum fuiſſe? Aſt ubi expreſſa injuſtitie additur cauſa, quò referas ruptum fœdus & violatum jus, ex conſenſu Principum mutuò ad aliud relatò, prælii ſcil. exitum, aut arbitrii pronunciationem, tunc ad modum poenæ certa pecunia, aut aliud quippiam rectè ſub nomine tributi aut mulctæ exigi ſolet. Sic Ezechias, quod fœdere cum Rege Aſſyriæ à Majoribus ſuis initò non ſtetiſſet, bellò lacesſitus culpam agnoſcit, promiſſò Regi mulctæ arbitriò. 2. Reg. 18. v. 14. Antiquum igitur erat Romanorum: *cave, ne ex amico ſias hoſtis, tum ſervus.* Quarta cauſa erit *acquiſiti juris ſignum*, quod ſi pacto fuerit confirmatum, res dubiò carebit. Ubi vero ſimplex tantum invaſio & poſſeſſio pro titulò ſerviunt, quær. *an tunc occupata Provinciæ & oneribus victoris fatigata tributaria dicenda?* Reſp. Si longa poſſeſſio acceſſerit, quæ jus victoris roborat, ex hujus arbitriò pendere, ſub quò nomine onera exigere velit, cum ſic jure ſuò utatur Victor. Si verò nec pactum, nec longæva poſſeſſio præceſſerit, ſed temporaria tantum fuerit agri alicujus (quem magnâ vi Exercitus ingreſſus eſt) inſeſſio, licet tunc Victor tributa ſub nomine tributi German. Brand. Schag exegerit, non tamen dicenda erit Regio illa in ſenſu proprio tributaria, licet improprie ita dici poſſit. Sicut enim quis

quis, committendo ſe contra voluntatem Domini ſ. expreſſam ſ. tacitam (de qua vid. caſus in Becm. Tr. de Jure Recip. Exul. c. 3.) in alterius Jurisdictionem, hanc agnoſcendo ſubditus proprie ita dictus non illicò evadat ſed temporarius & improprie talis, cum prioris Domini jus non tollatur, ſed exercitium juris ſuspendatur, ita eodem ſenſu Regio Tributaria eſt accipienda. Grot. L. 2. c. 2. §. 25. non obſt. Caſus Neceſſitatis, qui non tollit jus Principis in ſubditos quaſitum ſed tantum ſuspendit, ante declarationem voluntatis tacitam l. expreſſam. cit. G. Add. quòd ſtatus belli *litis pendentis* naturâ ducat, ubi tunc ante eventum juris ſuſpenſio, non decifio obtinet. *Conſ. comment. ad L. 30. ff. de Judiciis. & tit. C. ut lite Pend. nulli liceat ſupplicare.* Apud Romanos quidem videtur quædam primæ quoque non continuatæ invaſionis habita fuiſſe ratio, modò occupata Regio manſuris munitio-nibus ita includatur, ut, niſi iis expugnatis, parti alteri palam addita non ſit. Verum non tam *de jure* quam *de effectu juris* id intelligendum putamus, cum munitio-nibus & præſidiis facilior exigendi Tributi paretur Executio, Grot. L. 3. c. 6. §. 4. n. 1. & ibi notata, non tamen eò ipſò ante belli eventum jus oriatur: imò poſſeſſione tali firmatâ jus tantum ad retentionem futuram præparari judicavit Demosthenes. Grot. L. 3. c. 20. th. 12. num. 2. Quod vero (§) *de uſu Monetarum* Victoris monitum fuit, cautionem hanc præſupponit, quòd ſc. Monetarum uſus non per ſe ſit probatio devictæ gentis, cum voluntarie recipi poſſit, imprimis ſi iisdem inſit valor internus, quæ ratio eſt receptæ apud nos Monetæ Hiſpanicæ, Gallicæ, Turcicæ, Arabicæ. Verum ſi neceſſariò ex vi ſummæ Potestatis admittendæ ſunt, notam ſubjectionis exprimunt. Hinc è contrario Belgæ fœdere Ultrajectino inſignia Philippi II. monetæ amplius imprimi vetabant, quia ſupremam Ejus in Provincias ſuas potesta-

potestatem excusserant. *Becman. M. P. c. 18. th. 4. Sexta causa* Securitatem quidem *Victoris & Victi* promovere videtur, sed & eandem *evertere*. Uti enim determinatio subjectionis arbitrii, ita etiam Prudentiæ Victoris est, non absolutam semper à devictis exigere subjectionem, sed limitatam, parte imperii illis relicta, cum sæpè invisa subjectionis nota non promoveat, quin potius tollat securitatem Victoris: quo nomine Germani veteres laudantur, quod in captas Francorum, Gothorum, Longobardorum provincias nullum sibi vindicabant imperium: *Marquard. Freherus de Origine comitum Palat. p. 1. c. 1.* Idem de Lacedæmoniis & Atheniensibus laudat Thucydides, de Romanis *Tacitus ad Agric. c. 2. n. 2.* Idem de Cogiduno Rege, cui Civitates donatæ. Is ad nostram usque memoriam fidissimus mansit, vetere ac jam pridem receptâ Populi Romani Consuetudine, ut haberet instrumenta Servitutis & Reges. De Britannis ita verò *cap. 15. illi scil. inter se agitare mala servitutis, conferre injurias & interpretando accendere.* Ubi itaque pars imperii relicta & præcipua subjectionis nota remissa, nec tributa quoque tunc exacta ad veram Tributorum Naturam accedent. Item Batavi olim, licet, iudiciò Taciti, pars fuerint imperii & operas bellicas (operæ verò æquivalent pretio) ad nutum imperii præstiterint, non tamen tributis (inviso subjectionis titulo) contemni voluere. *Germ. c. 29. num. 1. 2.*

§. 12. Tertia Regionis tributariæ species ex pacto speciali oritur, in quo, si mentio subeunda subjectionis fiat, res dubiò carebit, illam tunc propriè talem intelligi. Et negari nequit eandem admitti, cum quis jure suo scil. Libertatis cedere, illudque in alium transferre possit. *L. 21. ff. de Stat. Hom. L. 2. ff. si ingenuus esse dicatur.* Ita voluntariam

riam Servitutem victus adit & quamvis junior, quamvis robustior alligari se ac venire pati potest. *Tac. de morib. Germ. c. 24. num. 4.* Apud Græcos moris erat, ut innumeros liberos in servitutem darent, ut ex contractûs formulâ servirent, refert *Dio Prusænsis Orat. 15. Grotius Lib. 2. c. 5. thes. 17.*

§. 13. Hæc ita, si expressè subjectionis fiat mentio. Sed jam quæritur, quandonam tacitè Regio Tributaria in pactis intellecta præsumatur? & Regulariter eam non præsumi, cum Libertas sit naturalis, nec temerè abjudicata censeatur, nisi contrarium concludi possit, contrahentes vero similiter subjectionem intellexisse, conf. *L. 10. ff. de rebus dubiis. L. 14. ff. de Fid. Lib. Prukman. Vol. I. cons. 27. numer. 140. Conferat. c. ex literis X. de Probat.* Id quod ex conjecturis demonstrativis præsumptionem juris & de jure inferentibus, colligendum; quibus cessantibus pro Libertate in dubiò pronunciandum. Id enim Jure Gentium receptum est, ut in casu favorabilis causæ verba laxiùs sumantur, ut etiam includant significationes improprias, quo onus vitetur. Quà de re JCrī generalem ex *L. 16. ff. de Fidei-Commis.* formant regulam, ad significationes planè improprias non recurri, nisi alioqui absurdum aliquid, aut pacti inutilitas sequeretur. Conf. *Bart. in L. si is, qui pro Emptore 15. ff. de Usucap. Et Beat. Dn. Brunnemannus in Commentar. ff. ad dict. leg. 10.* Sic auxilia promissa ab unâ tantum parte intelligentur deberi impendiis ejus, qui postulabit. *Barbos. 4. Cons. 92.* Ita in quæstione, si conveniret, ne alter foederatorum injussu alterius bellum gerere posset, hæc decisio prudentioribus placuit. Non omne bellum hîc intelligi, sed id tantum, quod inferitur, non quod repellitur, ne nimium coarctetur Libertas, ademptâ

ita se defendendi, contra injurias tertii, facultate. Quâ ex causâ, casum inter Romanos & Carthagenenses agitatum ex *Livio* fusè examinat *Grotius* §. B. & P. L. 2. c. 16. th. 14. Eadem in causâ Tributorum obtinebit decisio, ut ejus intellectum in laxiori significato sumi fas sit, h. e. ne tollat libertatem Regnorum & Rerumqubl. Hinc axioma hoc formari poterit: Quotiescunque causâ subjectionis efficiens in pactò exprimitur, toties præsumitur vera subjectio, & occasione substratæ materiæ, Regnum Tributarium est præsumendum. De causis igitur veræ subjectionis lis movebitur. *Genuinas* in primâ & secundâ Tributornm specie allegatas exhibuimus, quæ, si pacto inferantur, subjectionem concludere videntur, licet & hîc limitationibus locum dederimus.

§. 14. Sed jam reliquas examinabimus causas, quæ communiter ad præsumptionem Regni Tributarii colligendam adduci solent: ut sunt (I) *munerum prestationes*, qualem in Oriente morem observari docent Scriptores, ut minores Principes majoribus annuas pensiones mittant, cujus rei exemplum reperitur *III. Reg. 10. v. 15.* Idem à Carthagenensibus, donò aureæ coronæ Romam missò, præstitum fuisse docet *Livius Lib. 7. Hist.* Verùm nihil *istis actionibus* præjudicii inesse ipsa munerum horum natura exigit, quæ non patitur, ut Libertatis suæ Donator poenam patiatur, graviter ita civilitatem à damnis vindicante. *Fagund. de Justitiâ I. Controv. L. 4. c. 1. & L. 3. c. 2. C. Modestinus L. 62. ff. de Ædilit. Edict.* Summæ enim malignitatis est non vocare beneficium, nisi quod dantem aliquò incommodò affecit, inquit *Senec. de Benefic. L. 6. c. 13.*

§. 15. Quid si vero stipulatio aut promissio antecesserit, ita, ut Contractus Necesitatis esset in illis, quæ an-

tea Voluntatis erant. *L. 17. ff. commod. Trentacinqv. L. 3. de Donat. res. 2.* Eodem verò recidit sensus, cum ex parte dantis hîc onus implicet, quod quidem eatenus in *prestatione obligatorium* est, non verò in *concludendâ subjectione*, quoniam de hac, tanquam re odiosâ, vero similiter cogitatum non fuit. Natura enim obligationis ex contractu vel aliâ conventionem neminem alteri subjicit, quin potius æqualitatem inter contrahentes desiderari demonstratum fuit suprâ: Hinc nec ex pacto publicò orta obligatio subjectionem introducit. Aliàs enim paciscentes sibi invicem subjicerentur, quod æternam confusionem induceret. Imò si promissiones sine obligatione præcedenti, sed ex mera submissione, præstandæ imperium habendi modum imminuant, nec servari debere, si populus contradixerit (à cujus consensu imperium habendi modum dependere rectè docuit *Grotius Lib. 1. c. 3. th. 16. & seqq.*) Israelitarum conatus docet, qui Achabo ex promissione obligato resisterunt dicendo: *Non audias neq. acquiescas illi*, approbante id, concessâ Israelitis Victoriâ, Supremo Numine. *3. Reg. 20. v. 8.* Simile quid apud Tacitum reperitur *Annal. 15. Consuluit inter Primores Civitatis Nero, bellum anceps, an pax inhonesta placeret, nec dubitatum de bellò.* Et huc trahendum ducimus, omnibus Regnis applicandum, quod Bodinus de Francorum Regno sentit: *Itaq. responsum à Prudentibus Philippum Bellum Francorum Regem non potuisse Arturum Armonia Ducem Regi Anglorum Fiduciarum elocare, nisi Regnum Francorum eodem jure à se abalienare & Anglorum Regi concedere vellet.* Id ex Cyno ad *L. 1. C. de Novat. & Corneo Conf. 321. probat. Bodin. de Repl. L. 1. c. 10. p. m. 190.* Eandem rupti fœderis Tricassii, quo Carolus VI. Rex Gallia Sceptra ad Henricum IV. Angliæ detulerat, ruptæ

pacis, quæ cessionem Regni à Johanne Galliarum Rege in Regem Angliarum continebat, rationem colligunt Gallici Scriptoris. Idem à Franciscò I. Carolo, observationem pactorum petenti, responsum fuisse docet Dn. Puffendorf. *Einleitung zu der Historie* c. 5. §. 17.

§. 16. Alia vero jam oritur Causa (II) si quis sibi munera fuerit stipulatus *ex obligatione precedenti* & quidem sub nomine *tributorum*, quid tunc sentiendum v. c. 1. *Propter Patrocinium* præstitum h. e. cum auxiliò quis indigens ad tutelam sibi comparandam certum quid pensitat, *an pensio ista tributum sit verum*, & rectè id negatur. (α) Quia naturà homo in alterius auxilia fertur, ita ut munera tantum sint causa svasoria ad citius excitanda auxilia, aliàs à Naturæ instinctu dictata. *arg. l. 3. ff. de J. & J.* Eodemque tendit Ambrosii judicium de *Offic. L. 2. c. 2.* & Senecæ de *Clement. L. 2. c. 5.* (β) Imò, rectè hic inquit Bodinus, *nec Patrocinium dici meretur, quia mercenarium sit, merces autem officio non debetur*, ita, ut potius illi, qui mercede auxilia sua locant, servitutis imperfectæ speciem constituent. Propriè igitur hæc tributa, extra Subjectionis præjudicia, penduntur, ita ut rectius *pensiones sociales* dicendæ sint. *Manferunt*, inquit de Lacedæmoniis Strabo, *Liberi nihil conferentes præter operas Sociales*, & Athenienses Veteres *curam gesisse pro Sociis* dixit Isocrates, sed ita, *ut iis Libertatem integram relinquerent*. (γ) Ipsa natura Patrocinii privati id fert, ut Libertatem alicui personalem relinquat. Ità tutela est vis atque potestas in capite libero, ad tuendum Eum, qui propter ætatem se defendere nequit §. 1. *Inst. de Tutel.* Mulier sub Patrocinio Viri est, salvà tamen Libertate personali, licet ideò Marito operas & usum præstare teneatur, ex naturà Matrimonii & insuper promissio-

ne

ne coram Altari præstità, *berheist ihm gehorsam zu seyn/ und zu dienen*; quæ verba non servitutem foeminae imponunt, cum Socia Viri sit, sed utilitatem viro pro Patrocinio & oneribus matrimonii ferendis præstandam *conf. Diss. de Civilit. Profic. c. 1. th. 11.* Hinc eadem quoque ratio erit Patrocinii publici, quod etiam ex naturà suà Libertatem Civilem non tollit, utpote quæ sine imperiò intelligi nequit, dum scil. clientibus omnia Majestatis jura relinquuntur. Id quod ex probatis Juris G. Scriptoribus fusiùs demonstrat. *Grot. de J. B. & P. L. 1. c. 3. th. 21. L. 2. c. 18. th. 2. & L. 3. c. 15. th. 6.* Excludimus vero hic *deditionem plenam*, quæ sæpè evenit tunc, cum Populus alià ratione, ut se defendat, non habeat, & hanc jus superioritatis tertio addicere certum est: in dedititiis verò subjectionem notare probant *Exempla Gibeonitarum Jos. c. 9. & 10.* & Samnitum Campani verbis. *Quandoquidem nostra tueri adversus vim atq; injuriam justà vi non vultis, vestra defendetis, Itaq; & omnia in Vestram ditionem dedimus, quicquid deinde patiemur, deditii vestri passuri.* Livius. D. 1. L. 7. c. 31. & 37.

§. 17. Sequitur jam 2. præsumptio examinanda, an illa regionem reddat tributariam: v. c. *Si quid mittatur vel præstetur ad avertendam Potentum potentiam metuendam, seu ad redimendas injurias?* Resp. *imbecillitatis* quidem nota est, ast non semper *subjectionis*: imò sæpè prudentiæ signum, ut, si metus sit inferendæ injuriæ, & nulla avertendis illis vel vis suppetat, vel admonitio sufficiat, bonitate homines à peccatis arceantur. *Grot. L. 2. c. 20.* Quod quidem in privatis quoque ita locum obtinet, ut donator ad evitacionem periculi donans aliquid, nihil amittat, quin potius causam accipientis turpem reddat. *L. 2. pr. ff. de Condict. ob turp.*

C 3

caus.

caus. conf. L. 1. §. 2. L. 4. §. 2. ff. eod. L. 6. C. eod. L. 5. §. 1. ff. de Calum. Struv. Syntvg. 7. C. Exerc. 18. th. 21. Hinc licet inter summas Potestates hæc pacta de oneribus præstandis etiam injustè extorta merò jure externò servantur, ut certi aliquid sit in rebus humanis, restitutione in integrum quoque illis denegatâ, quâ de causâ vide fusè *Grot. L. 2. c. 14.* Interim tamen in causâ nihil subjectionis (de quâ tanquam re odiosâ, cum nihil expressum sit, nec in dubio intellecta præsumi debet) continetur. Ita Turcæ Arabes montanos certâ Pecuniâ à Latrocinis detinent, & Justinianum memorat Procopius *L. 2. & 4.* certò stipendiò Persarum & Gothorum in cursiones avertisse. Tùm verò boni & probi quoque Magistratus est ad evitandam foedam in bellis (in quibus aliâs impares non essent) licentiam, certum quid pendere. Verecunda enim cogitatio est ejus, qui lites exsecratur, inquit Jctus in *L. 4. ff. de alienat. Jud. Mut. caus. bonique Viri id officium vult esse Barbosa L. 10. c. 23. ax. 2. Carpz. P. 1. C. 1. D. 9.* Quò certè mediò id etiam sæpè effectum fuisse docent Historiæ, ut bona sæpè causa transierit ad nocentem, quod vel exemplò Hiskix constat, qui ob violatum foedus Regi Assyrio multam offerens, dum ab hoc non admitteretur, bellò lacesitus, fretus bonâ conscientia vim hostium sustinuit. *2. Reg. 18.* Deumque habuit faventem. Idem de Cruciferis refert *Cromerus L. 17. de Helvetis Cominaus L. 7.* Ita Romani Legatos mittebant deprecatum pro Campanis ad Samnites, & cum repulsam tulissent, hi bellò feliciter victi sunt. *Livius L. 7. c. 31. & seqq.*

§. 18. Quid v. (III) statuendum, si Titulus remuneratoria Donationis pacto inscriptus in debitum convertatur: ut huc referri solent. (1) Dignitatis Regiæ, Ducalis aut alterius collatio. Hanc Pontifices sibi sæpè numero vindicasse te-

stantur

stantur Scriptores omnium ætatum (illudque juris esse probant arg. c. novit. 13. X. de judiciis c. sollicita X. de Majoritat. & Obedi. Petrus Belluge tit. 14. §. nunc videamus num. 29. Oldratus conf. 69.) Et sufficiet hic Pii V. Pontificis allegasse tentatum, qui Ferdinandum Imperatorem per Legatos increpuit, quod non à se Coronam Imperialem haberet. Sumserunt quoque eandem sibi facultatem Imperatores Romani, quod ex Creatione Regis Poloniæ conspicuum est: qua de re in futurum fusius agetur. Verum titulus hic nil confert ad probationem juris antiqui, aut ad acquisitionem novi. (a) Hærent enim jura Majestatis in Populò tanquam Subjectioni communi, à quò tanquam causâ Dignitatem Regiam quis consequitur. *Grot. L. 1. c. 3.* Eruntque ita Pontifices Romani & Imperatores cause instrumentales, ut potè aptissimæ ad publicationem Regii Tituli. *Grot. L. 2. c. 9. th. 11.* Hinc rectè Pontifici restiterunt olim Legati Hungariæ Anno 1308, cum ille Stephanum I. à sede Apostolicâ illam accepisse jactitaret, dicentes, se non id jus Pontifici unquam denunciâsse, nec tamen prohibere, quo minus Rex Hungariæ, si vellet, à Pontifice Romanò coronam consequeretur. *Bod. l. c. (β) Ex naturâ Dignitatis acceptæ,* quæ non illico, subjectionem denotat, cujus rei evidentia præbent testimonia Equites ordinum illustrium. Hinc etiam in Legibus Ordinum à Ludovico XI. & Philippo B. Burgundiæ Duce cavetur, ut Equites, cujuscunque ordinis sint, obsequium tamen & auxilium suo Principi adversus quoscunque ferant, modò si contra Auctorem Ordinis ferendum, ante denunciatum fuerit. *Limn. 7. P. L. 6. c. 2. th. 24. n. 14.* Ex quò jam concluditur, sublatâ causâ, Superioritatis sc., tolli effectum Tributi exigendi. Et hinc, si quid pensitatum fuit, ex Reverentiâ potius, quam debitò pensitatum fuisse, dicendum erit.

§. 19. Ad Titulum remuneratoriæ dominationis pertinere videtur (2) *concessio juris ad occupandas terras vel vacuas, vel possessas & ex plenitudine potestatis Apostolica antiquis possessoribus abjudicatas.* Et hanc à multis retrò seculis, à Pontificibus Romanis usurpatam fuisse negari nequit, ita, ut tunc sibi prospicere soliti fuerint de certis redditibus annuis etiam sub nomine *Tributi*, id quod fuscè docet. *Bod. c. l.* Verum sublata causa potestate sc. Cleri in seculari vigore effati Salvatoris. *Reges gentium dominantur, vos a. non sic:* tollitur quoque effectus, potestas sc. Tributa imponendi, id quod non tantum Evangelici sed & Catholico Romani quidam Cisalpenes Marca, Gersonius, Chopinus, Richerius, Meimbomius, statuunt. Et res expedita est, patebitque in Exemplo Donationis terrarum Orientalium Regibus Hispaniæ & Portugalliæ à Pontifice factæ, constitutò primò Meridianò ultra Hesperidum insulas ad 300. ferè leucam, ut Portugallishinc in Orientem, Hispanis verò in occidentem tendentibus occupandæ cederent Provinciæ. Acquieverunt itaque decisioni isti Reges, utrique *non ex agnitione alicujus Potestatis Pontificalis*, (de quâ Judicium Regis Atapalipæ. vid. in Gedeone Pontier *dans la Bibliothèque des Grands. c. del Espagne*) sed ex spontaneâ receptione arbitrii tertii, Pontificis scil. quam Massius in *Historiâ Indicâ L. I. p. 15 lit. A.* ita exprimit: Interea Ferdinandus, omisso belli consilio, *non recusavit*, quò minùs disceptatore totius controversiæ uterentur Pontifice Romanò, qui tunc erat Alexander VI. Rectè verò ab hoc arbitrio recedere potuissent partes mutuo consensu, cum jus illius, quod nullum fuit, non lædatur. *L. II. ff. de Recept. qui arbitr.*

§. 20. (3.) Remuneratoriæ donationis species oriri videtur, ex remissione peccatorum quæriturque, *an hæc pro titulo*

tulo imponendi Tributa Pontificibus servire possit, qu? Sanè Pontifices sibi hoc jus tribuunt, se sc. terrarum Subditos Principum Legibus solvere posse & se esse arbitros Legum Humanarum, sacrarum, & hinc remissionem certò tribuere. *per cit. text. à Bod. de R. Lib. I. cap. 10.* Ideoque Regnum Terraconense Pontificibus Romanis à Regibus Arragoniæ oblatum fuisse dicitur, ne ob scelera & paricidia vapularent, idemque à Joh. qui fraude imperium Anglicanum invaserat, factum fuisse & idèd non tantum tributum ab Ina Rege Anno 740. promissum d. & totum Regnum oblatum Pontifici fuisse proditur. Ex quò titulò Angliam Sedi Romanæ tributariam esse, voluerunt Polydorus Virgilius, Baronius, alique Romanæ sedis assertatores. *Conf. Baron. A. DC CXL. n. 15. & Polydor. Virg. L. IV. Hist.* Verum (1) si quod res est, dicendum, non tantum ex decisione S. Scripturæ *Luc. 22. v. 25.* verbis: *Reges Gentium dominantur, vos autem non sic*, sed & judiciò Theologorum Catholicorum Cisalpensium quorundam, ut Marcæ, Gersonii, Chopini, Meimburgii, nullam Clero in seculares Potestates in secularibus esse potestatem abundè evictum est, adèd ut dispositio circa res, in quas nullum jus alicui competit, planè rutilius vigoris sit. (2) Adde, quod remissio peccatorum à spiritali clave, contritione scil. & Benedictione dependeat, quæ cum seculari commisceri nequit, nisi omnes Ethnicas Potestates, à DEO etiam institutas & approbatas, everfas velimus. Cui contrarium est Exemplum Cores s. Cyri, quem licet Gentilem DEO tamen acceptum fuisse testatur 2. *Chronic. ult.* Nulla enim Potestas est, nisi à DEO, *ad Rom. 13.* Hinc licet in signum poenitentiae rectè quid spontè suscipi (coacta enim voluntas Deo invisæ) aut in usum Ecclesiasticum impendi soleat, id tamen nomen *Tributi*, multò minus naturam ejus (utpote quæ merè secularis

est & in secularem inveniri coepit finem, (de quo supra) meretur, sed *voti*, *Eleemosina*, *beneficii* quoque titulum & naturam maximè induit. Hinc & idem Tributum à Paschali P. M. literis ad Henricum I. Regem Angliæ Eleemosina dicebatur. Vid. *Usser. de Christ. Eccl. Succ. & Stat. c. 7. §. 8.* *Eleemosina B. Petri*, prout audivimus, ita perperam dolosequè collecta est: & rursus in Henrici I. literis ad Paschalem continetur: *ut dilectio & benignitas vestra à me videatur sumere initium, beneficium, quod ab antecessoribus meis B. P. habuit, vobis mitto.* Orbedæ quoque vocem hic obtinere posse nonnulli credunt, quod à *Borditten* derivetur, fuissetque olim certa species pensionis personis Ecclesiasticis debita, sub hoc nomine, ut hæc pro dantibus orbedam orarent: quod tamen admittere non vult *Bener. Dn. de Retz in Tract. de Orbeda c. 1. num. 7.*

§. 21. Negari tamen nequit, illos, qui & *re* & *nomine* securitati suæ consuluerunt, maximo niti argumento. Caveri igitur solet (1) *in admisione vocis Tributi*, sed ita, ut ejus præstatio à dantis, non accipientis arbitrio dependeat. Ita Alexander Vesanus (malè quidem tunc ex aliâ causâ) non quæro, inquit, quid Te accipere deceat, sed quid me dare. Quo sensu etiam admittenda Henrici Imperatoris benigna interpretatio supra allegata ex *Lehm. L. 2. c. 17. Chron. Spir.* (2) *Protestando contra præjudicium Majestatis.* Ità cum Carolus V. Imperator à Francisco Rege petiit, ut sibi liceret Athrebatensè Tributum à suis exigere Anno 1520, eidem Franciscus I. respondit, id se permissurum, dum nihil de jure Majestatis suæ detraheretur. (3) *Utendo terminis generalioribus*, ut pensionis, quod ab Anglis in Pace Piquiniacâ observatum fuisse testatur *Bodin. L. 2. c. 10. p. 213.* & ab Hungaris contra Germanos

nos *Berneggerus* memorat. Item *Donativi Eleemosina*, *beneficii stipendii* &c. de quibus supra: Terminò *muneris largitionis* usus fuit Rex Angliæ Henricus II. ad Imperatorem Fridericum Barbarosam, verbis. *Et sicut Vestra Serenitatis memoriam vestrorum excitat in nobis munerum largitio, sic vos nostri quoque reminisci optamus, mittentes, quæ pulchriora penes nos erant & vobis magis placitura.* Attendite itaq; dantis affectum, non data, & ex animò, quæ dantur, excipite. Conf. *Radevic de Gestis Frid. I. Lib. I. cap. 7.* & *Horn. au miroir des justices l. 4. §. de Jurisd.* (4) *Sine expressò nomine*, promissâ certâ pecuniâ, quæ præjudicii expers est. Quod Imperatoribus Germanis in usu fuisse, ex literis Solymanni ad Ferdinandum patet de Anno 1562. *Ut Tua Dilectio quotannis ad Aulam nostram pro Arrha induciarum 30000. Hungaricos Ducatos mittere teneatur. A. St. Turc. L. 1. c. 15.* (5) *Ultimum remedium post vulneratam causam præbet Cic. L. ad Attic. Ep. 4.* At enim si Patria illegitimè imperiò premitur, omnino danda est opera ejus excutiendi, etiam si Civitas eam ob rem in summum discrimen adducenda sit. Eodem trahendum Judicium apud *Tacit. annal. 15.* & *Exempl. 3. Reg. 20. confr. supra §. 22.*

§. 22. Explicatâ itaque jam per species Regionum Tributariarum Naturâ, facilè parabitur Judicium, quænam *proprio*, quænam *improprio* hoc nomine veniant. Et ut clariùs ejus natura pateat, effectus Regionis propriæ Tributariæ hic addidisse juvabit, à quibus Regionibus reliquæ improprium Tributum pendentes eximuntur. Sunt verò illorum præcipui sequentes (1) *Adempta belli & pacis jura*, quæ causâ Portam Ottomannicam persvasit, ut *Rackozium* se insciâ & inconsultâ Anno 1656. arma contra Polonos moventem Principatu suo ejecerit. (2) *Signa Venerationis Subjectionem denotantia.* Ita Moscovitas olim


olim Legatis Tartaricis obviam processisse & stantes à sedentibus illis apertò capite audivisse Decreta, testatur *Baron ab Herberst. de Reb. Moscov. fol. 8.* Cæterum viginti Reges Indiæ Regi stantes servire, docet *Mandelslo L. I. c. 28. & seq.* (3) *Pœna ob delictum subeunda*, quam Romanis sæpè dedisse provincias tales notat. *L. non dubito 7. ff. de Captiv.* (4) *Patientia præsidii admittendi & transitus concedendi.* Cujus rei evidens præbet hodie Testimonium Moldavia.

§. 23. Supervacaneum autem jam erit longà Exemplorum Serie uberiolem decissioni nostræ addere sensum. Illud hîc tantum Coronidis locò monemus, crebriores in Oriente reddi Provincias Tributarias, quàm in occidente, præsertim in Europæis tractibus, qui Christiano nomini liant. Rectius enim ab omnis caritatis Commendatore instituti sunt, aut instituti esse deberent, quàm ut à Miseris hominibus interficiendis, torquendis, abduci nequirent, nisi minoris sævitæ concessione, graviter id pro Servitute inter Christianos abolendâ monente *Grotio de J. B. & P. L. 3. c. 7. th. 9. n. 1.* nisi fortè aliud necessitas absoluta vel proficua exigat. Cæterum de consuetudine Orientali vid.

fusiùs Kircherus in China Libr. 2. cap. 5. Mandelslo

L. 1. c. 27. Dn. Becman. Hist. Civ. c. 11. th. 2.

& c. 9. th. ult.



COROLLARIA

§. 1. Si quis immunitatem habeat speciali rescriptò Principis concessam ab omnibus præstationibus publicis, non tamen liberatur ab ordinariis, licet generalè remissionem præcesserit specialis quorundam onerum ordin. enumeratio. Nec pugnant idèd inter se *L. 4. C. de Annonis & Tribut. & L. 4. §. 4. ff. Si quis Cautionibus in judicio sistendi &c.*

§. 2. Non excusatur foemina, quæ maritum debitorem tributorum occultat, ne solvat, ob rationem gen. *L. 3. C. de Exact. Trib.* Bannitum tamen maritum recipiens rectè defenditur à *Gailio de P. Publ. L. 2. c. 10. n. 16.*

§. 3. Genus Tributi, quod Capitatio dicitur, ratione originis suæ, injuriosi quid continet.

§. 4. Non planè inutilis est Cautela, quam Clericis commendat *Gutierrez*, de bonis privatorum sine onere à Clericis emendis. *L. 1. q. pract. 3. n. 15.*


§. 5. Aliud genus Tributi pendit Virgo, aliud Ancilla.

§. 6. Peccant non tantum Hispani in studiò liberorum multitudinis, sed & Nostrates, qui eandem evitant, ad evitanda tributorum onera.

§. 7. Non plane inutilis est venditio prædii sine tributis, non obft. *t. t. C. sine consensu vel reliquis fundum comparari non posse.*

§. Propter non soluta tributa potest tamen quis incarcerationi, non obft. *L. nemo 2. C. de Exact. Tribut.*

§. 9. Aer quidem jure Naturali communis est §. 1. *Inst. de R. D.* Rectè tamen illi certum tributum imponi posse, testatur consuetudo quorundam locorum in certis casibus.



Mors alias homini est, vivum non amplius esse,
Quælibet hoc homines funera namque docent.
Ast Prusis mors est, non amplius esse fideles,
Ceu *Vitam* servat natio nostra *fidem*.
Exprimis hanc, propriò Prusis conamine, vitam,
Prusiacam Tibi jam constat inesse fidem.

Ita Eruditissimo Domino Respondenti, Amico suo æsti-
matissimo, de eruditæ in Patriam fidei specimi-
ne gratulatur

P R Æ S E S.

Pleridum qui suavis amor, spes magna PARENTIS,
Gentis & es, SCHLIEFI, digna propago Tue:
Non ego Te multis extollam laudibus: ample
Quas satis Ingenii vis generosa canit.
Perge ita præclarum Phæbo deferre tributum,
Et vectigalis ponè sequetur honos.

Nobiliss. DNO RESPONDENTI, Magni PARENTIS filio
feliciter æmulo, ad solidæ eruditionis famam stre-
nuè contendenti scribeb.

M. JO. CHRISTOPH. ROSTEUSCHERUS,
Philos. P. P. & Bibliothecarius.

Wer preist nicht/ Edler Freund/ Dein eifriges Beginnen/
So vor der klugen Welt dich dahin bringen soll/
Wo der Minerven Hand auff Pindus hohen Zimen
Von ihren Söhnen heische der Wissenschaften Zoll.
Es zeugt der Tage Fleiß/ der Nächte spätes wachen/
Da manch gelehrtes Pfand Dir durch die Hände lieff/
Daß Dir nicht unbekant der Kern gelehrter Sachen:
Wie Alexander nie ohn den Homerus Schließ.
Arnhold von Bobart.

Est Tibi de dandis susceptus sermo *Tributis*,
Schlieffiade, cordis Portio cara mei.
Parvum est quod tribui per me Tibi possit, *Amice*,
Alma Tibi pendat digna Tributa Themis.
Nobilissimo Dn. Respondenti, Amico ex intimis, paucis
hæc ex animo gratulatur
GABRIEL FRIEDRICH SCHUMANN.

Hist. Polon.
C. Mirell.

77

